



Broj: 2746/26

Datum: 10.08.2026. godine

Na osnovu člana 64. stav (1) tačka a), člana 88. i člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“, br. 39/14, 59/22 i 50/24), Statuta JP „LOKOM“ d.o.o. Sarajevo („Službene novine Kantona Sarajevo“, br. 15/13, 47/14, 29/18, 3/22, 20/23 i 28/24), Pravilnika o javnim nabavkama roba, usluga i radova broj: 2448/22 od 30.12.2022. godine i broj: 481/23 od 17.03.2023. godine, a na osnovu Preporuke Komisije za provođenje postupka javne nabavke broj: 2744/26 od 10.08.2026. godine, direktor JP „LOKOM“ d.o.o. Sarajevo **donosi**

ODLUKU O IZBORU NAJPOVOLJNIJEG PONUĐAČA

Član 1.

Prihvata se preporuka Komisije za provođenje postupka javne nabavke broj: 2744/26 od 10.08.2026. godine, te se ugovor za nabavku usluga **„Revizija finansijskih izvještaja i konsolidovanih finansijskih izvještaja za poslovnu 2026. godinu“** dodjeljuje ponuđaču **AUDITAS d.o.o. Sarajevo**, sa sjedištem u Sarajevu (71000 Sarajevo), ul. Džemala Bijedića br. 185, za ponuđenu cijenu od **7.000,00 KM bez PDV-a**.

Ponuda navedenog ponuđača ocijenjena je kao ekonomski najpovoljnija ponuda, sa ukupno ostvarenih **56,27 bodova**.

Član 2.

Obavezuje se ponuđač iz člana 1. ove Odluke da, u roku od 5 (pet) dana od dana prijema Odluke o izboru najpovoljnijeg ponuđača, dostavi dokumentaciju zahtijevanu tačkom 3.1.3. tenderske dokumentacije, a koja se odnosi na član 45. stav (2) Zakona o javnim nabavkama Bosne i Hercegovine.

Ukoliko izabrani ponuđač u ostavljenom roku ne dostavi tražene dokaze o kvalifikovanosti ili dostavi dokaze koji nisu u skladu sa članom 72. stav (3) tačka a) Zakona o javnim nabavkama Bosne i Hercegovine, ugovorni organ će donijeti novu odluku o izboru u korist ponuđača čija se ponuda, prema rang-listi, nalazi odmah iza ponude izabranog ponuđača.

Član 3.

Prijedlog ugovora dostavit će se na potpis izabranom ponuđaču u roku od 10 (deset) dana od dana obavještanja učesnika u postupku javne nabavke o izboru najpovoljnijeg ponuđača.

Član 4.

Ova Odluka dostavit će se svim ponuđačima koji su učestvovali u postupku javne nabavke i objavit će se na internet stranici ugovornog organa, u skladu sa članom 70. stav (6) i članom 71. Zakona o javnim nabavkama Bosne i Hercegovine.

Član 5.

Protiv ove Odluke dozvoljena je žalba u roku od 5 (pet) dana od dana prijema Odluke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 2505/26 od 14.07.2026. godine. Nabavka je provedena putem konkurentskog zahtjeva za dostavu ponuda.

Ukupna procijenjena vrijednost javne nabavke iznosi 7.000,00 KM bez PDV-a. Postupak javne nabavke nije podijeljen na lotove, s obzirom na to da predmet nabavke predstavlja cjelovitu uslugu. Obavještenje o nabavci i tenderska dokumentacija objavljeni su na Portalu javnih nabavki dana



16.07.2026. godine u 15:40 sati, pod brojem: 269-7-2-84-3-74/26, dok je sažetak Obavještenja o nabavci objavljen u „Službenom glasniku BiH – Oglasnik javne nabavke“, broj 52/26.

Komisija za nabavku imenovana je Odlukom broj: 2520/26 od 15.07.2026. godine.

Nakon isteka roka za dostavljanje ponuda, Zapisnikom o prijemu ponuda broj: 2592/26 od 28.07.2026. godine i Zapisnikom o otvaranju ponuda broj: 2593/26 od 28.07.2026. godine, konstatovano je da je blagovremeno zaprimljeno ukupno 5 (pet) ponuda, i to ponude sljedećih ponuđača: ALFA REVIZIJA d.o.o. Banovići, ORECONS & AUDIT d.o.o. Zenica, ZUKO d.o.o. Sarajevo, BILANS d.o.o. Sarajevo i AUDITAS d.o.o. Sarajevo. Istovremeno je konstatovano da nije bilo neblagovremenih ponuda.

Komisija je, u skladu sa članom 65. Zakona o javnim nabavkama Bosne i Hercegovine, izvršila pregled i ocjenu dostavljenih ponuda te sačinila Zapisnik o pregledu i ocjeni ponuda.

U skladu sa članom 68. stav (3) Zakona o javnim nabavkama Bosne i Hercegovine, Komisija je dana 03.08.2026. godine uputila ponuđaču ALFA REVIZIJA d.o.o. Banovići zahtjev za pojašnjenje dostavljenih dokumenata, kojim je zatraženo dostavljanje originala Aktuelnog izvoda iz sudskog registra radi poređenja sa dostavljenom kopijom. Ponuđač nije dostavio traženi dokument u ostavljenom roku, zbog čega formalni nedostatak nije otklonjen.

Pregledom i ocjenom ponuda utvrđeno je da ponude ponuđača ORECONS & AUDIT d.o.o. Zenica, ZUKO d.o.o. Sarajevo i AUDITAS d.o.o. Sarajevo ispunjavaju sve kvalifikacione, tehničke i formalno-pravne uslove propisane tenderskom dokumentacijom, te su ocijenjene kao prihvatljive.

U skladu sa tačkom 5.11. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), izvršena je provjera računske ispravnosti prihvatljivih ponuda, pri čemu nisu utvrđene računske greške.

Ponuda ponuđača BILANS d.o.o. Sarajevo ocijenjena je kao nepravilna, jer ponuđač nije postupio u skladu sa zahtjevima tenderske dokumentacije u dijelu koji se odnosi na potkriterij „Rok izvršenja – broj dana utrošenih na prisustvo popisu“. Tenderskom dokumentacijom je, u okviru kriterija ekonomski najpovoljnije ponude, propisano da je minimalni prihvatljivi rok za navedeni potkriterij 3 (tri) dana, dok je ponuđač BILANS d.o.o. Sarajevo ponudio 1 (jedan) dan prisustva popisu. S obzirom da ponudena vrijednost nije u skladu sa obavezujućim zahtjevom tenderske dokumentacije, Komisija nije pristupila vrednovanju i bodovanju navedene ponude, već ju je odbacila kao nepravilnu, u skladu sa članom 68. stav (4) tačka i), u vezi sa članom 2. stav (1) tačka l) alineja 3) Zakona o javnim nabavkama Bosne i Hercegovine.

Ponuda ponuđača ALFA REVIZIJA d.o.o. Banovići ocijenjena je kao neprihvatljiva, jer ponuđač nije otklonio formalni nedostatak dokumentacije u skladu sa članom 68. stav (3) Zakona o javnim nabavkama Bosne i Hercegovine. Naime, ponuđač je radi dokazivanja ispunjavanja uslova iz tačke 3.2.3. a) tenderske dokumentacije dostavio Aktuelni izvod iz sudskog registra u kopiji lošeg kvaliteta, zbog čega nije bilo moguće utvrditi podatke relevantne za ocjenu ispunjavanja uslova za obavljanje profesionalne djelatnosti iz člana 46. Zakona o javnim nabavkama Bosne i Hercegovine. Nakon upućenog zahtjeva za pojašnjenje dostavljenih dokumenata broj: 2660/26 od 03.08.2026. godine, ponuđač nije dostavio traženi original dokumenta u ostavljenom roku, zbog čega formalni nedostatak nije otklonjen. Imajući u vidu navedeno, Komisija nije pristupila daljem razmatranju i vrednovanju ponude ponuđača ALFA REVIZIJA d.o.o. Banovići, već je istu odbacila kao neprihvatljivu, u skladu sa članom 68. stav (4) tačka c), u vezi sa članom 2. stav (1) tačka l) alineja 2) Zakona o javnim nabavkama Bosne i Hercegovine.

U skladu sa članom 64. Zakona o javnim nabavkama Bosne i Hercegovine, kriterij za dodjelu ugovora u predmetnom postupku je „ekonomski najpovoljnija ponuda“. Tenderskom dokumentacijom nije predviđeno provođenje e-Aukcije, imajući u vidu primjenu zvanične Tarife revizorskih usluga („Službene novine Federacije BiH“, broj: 52/15).

Nakon izvršenog pregleda i ocjene prihvatljivih ponuda, Komisija je izvršila njihovo vrednovanje prema sljedećim potkriterijima:

- cijena ponude – 27% (27 bodova);
- rok izvršenja – broj dana utrošenih na predrevizijske radnje – 24% (24 boda);
- rok izvršenja – broj dana utrošenih na revizorske radnje – 23% (23 boda);
- rok izvršenja – broj dana utrošenih na prisustvo popisu – 8% (8 bodova);



- rok izvršenja – broj dana utrošenih na pisanje Pisma preporuke – 18% (18 bodova).

Primjenom utvrđenih potkriterija i načina bodovanja propisanog tenderskom dokumentacijom, Komisija za provođenje postupka javne nabavke utvrdila je konačnu rang-listu prihvatljivih ponuda, kako slijedi:

Rang	Naziv ponuđača	Cijena ponude	Predrevizijske radnje	Revizorske radnje	Prisustvo popisu	Pisanje Pisma preporuke	UKUPAN BROJ BODOVA
1	AUDITAS d.o.o. Sarajevo	27,00	24,00	0,88	2,67	1,71	56,27
2	ZUKO d.o.o. Sarajevo	27,00	0,92	23,00	2,67	1,71	55,30
3	ORECONS & AUDIT d.o.o. Zenica	27,00	0,92	0,88	8,00	18,00	54,81

Uvidom u priloženu dokumentaciju utvrđeno je da je ponuda ponuđača AUDITAS d.o.o. Sarajevo prvorangirana, sa ponuđenom ukupnom cijenom od 7.000,00 KM bez PDV-a i ukupno ostvarenih 56,27 bodova.

U predmetnom postupku javne nabavke, Komisija je direktoru ugovornog organa dostavila: Zapisnik o pregledu i ocjeni ponuda broj: 2743/26 od 10.08.2026. godine, Preporuku o izboru najpovoljnijeg ponuđača broj: 2744/26 od 10.08.2026. godine i Izvještaj o radu Komisije broj: 2745/26 od 10.08.2026. godine.

Na osnovu navedenog, Komisija za provođenje postupka javne nabavke dala je preporuku direktoru ugovornog organa da, u skladu sa članom 70. Zakona o javnim nabavkama BiH, donese Odluku o izboru ponuđača AUDITAS d.o.o. Sarajevo za dodjelu ugovora u predmetnom postupku javne nabavke.

Prilikom razmatranja provedene procedure, ugovorni organ nije utvrdio postojanje razloga, nepravilnosti ili propusta u radu Komisije koji bi bili osnov za neprihvatanje date preporuke.

Naime, utvrđeno je da je Komisija postupala u skladu sa Zakonom o javnim nabavkama Bosne i Hercegovine, podzakonskim aktima i tenderskom dokumentacijom, te da je izbor ponuđača izvršen na osnovu kriterija i uslova utvrđenih predmetnom tenderskom dokumentacijom.

Imajući u vidu navedeno, a u skladu sa članom 64. stav (1) tačka a) Zakona o javnim nabavkama Bosne i Hercegovine, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, u roku od 5 (pet) dana od dana prijema Odluke. Žalba se podnosi u pisanoj formi u dovoljnom broju primjeraka, u skladu sa članovima 99. i 101. Zakona o javnim nabavkama BiH.

JP „LOKOM“ d.o.o. Sarajevo

Direktor

Edin Čano

Dostaviti:

1. ALFA REVIZIJA d.o.o. Banovići,
2. ORECONS & AUDIT d.o.o. Zenica,
3. ZUKO d.o.o. Sarajevo,
4. BILANS d.o.o. Sarajevo,
5. AUDITAS d.o.o. Sarajevo,
6. Referent za marketing (objava na web stranici),
7. U spis predmetne nabavke,
8. a/a.